

**NOTIZIARIO DELLA CONFERENZA EPISCOPALE ITALIANA**  
**a cura della Segreteria Generale**

**NUMERO 8**

**31 DICEMBRE 1980**

## **Auguri natalizi del Santo Padre**

---

*Si riproduce, per documentazione, l'autografo con cui il Santo Padre, Giovanni Paolo II, ha fatto pervenire ai Vescovi, tramite i Presidenti delle Conferenze Episcopali, l'augurio per le festività natalizie 1980.*

*Il Cardinale Presidente, in data 19 dicembre 1980, con lettera prot. n. 1093/80, ha inviato a tutti i Vescovi fotocopia del citato autografo.*



Venerabilis Frater,  
salutem et Apostolicam Benedictionem

Magnitudo ipsa aeterni Dei erga homines misericordiae ideoque pulchritudo immensa nataliciae Domini Nostri celebritatis - qua quidem solidissimo argumento misericordia eadem illa comprobatur - libentes Nos sane alacresque permovent ut hisce usi litteris tecum ac simul reliquis cum singulis Nostris in Episcopatu Fratribus istius Conferentiae tota ex mente communicemus fervidam salutationem de Jesu Christi die Natali et sinceram optationem

vobis lectissimorum omnium bonorum in proximum salutis annum et manifestam rursus confirmationem Nostrae adversus unumquemque vestrum permagnae benevolentiae.

Plurima nimirum cum prece implorantes sperantesque cupimus ut natalicium Servatoris mysterium animos vestros pastoralibus curis oneratos recreet semper, exhiberet, roboret utque gratiae innumerabiles immortalis saeculorum Regis abunde pervadant greges, sacerdotes, fideles vobis a Matre Ecclesia concreditos, quos ad maiorem usque tum fidei catholicae maturitatem tum christianae caritatis industriam tum evangelicam

totius societatis renovationem sequen-  
tibus deinde mensibus perducant.

Recipite tandem manibus e  
Nostris una cum his salutantibus  
vocibus Apostolicam etiam Benedic-  
tionem veluti testem Nostrae vobis-  
cum coniunctionis auspiciemque sempi-  
ternae Redemptoris Divini remunera-  
tionis.

Ex Aedibus Vaticanis die VIII  
mensis Decembris, in Sollemnitate  
Immaculatae Conceptionis Beatae Ma-  
riae Virginis, anno MCMLXXX, Pontifi-  
catus Nostri tertio.

Joannes Paulus II. II